

يوم في حياة صائم .. الحلقة (70) .. #ذِكْ هُدَى اللّهِ .. د .

حازم شومان

حازم شومان

بسم الله الرحمن الرحيم على بصيرة انا ومن اتبعني وسبحان الله وما انا من السلام عليكم ورحمة الله وبركاته. الحمد لله حمدا كثيرا طيبا مباركا فيه. كما يحب ربنا ويرضى. حمدا ملى السماوات ومله الارض - [00:00:00](#)

ومله ما بينهما ومله ما شاء ربنا من شيء بعد. اللهم لك الحمد كله وببيدك الخير كله ولك الملك كله واليك يرجع الامر كله واصلي واسلم على سيد الخلق اجمعين. سيدنا محمد عليه افضل الصلوات من رب العالمين الى يوم الدين. ثم اما بعد - [00:00:36](#)

ما حدث منكم شامم ريحة حاجة يا جماعة معقولة! لسة اسبوع على رمضان! ولسه ما شميناش ريحة رمضان! لسة ما شميناش ريحة الصيام والفتار والسحور والتراويح! لسة ما شميناش ريحة ليلة سبع - [00:00:56](#)

وعشرين وبكاء ليلة سبعة وعشرين. والمسجد بيترجي بنا من البكاء ليلة سبعة وعشرين. لسة مش شامين. لو اشتقنا بصدق والله هنشم ريحة رمضان. سيدنا يعقوب لما اشتاق لسيدنا يوسف بصدق ولما فصلت العير. العير لسة خارجة من مصر بالقميص بتاع سيدنا يوسف. وسيدنا يعقوب في الشام. قال - [00:01:10](#)

سيدنا يعقوب هو لسه في الشام اني لاجد ريح يوسف. انا شامم ريحة يوسف ابني عليه الصلاة والسلام. متخيلين لما اشتاق بصدق ريحته من المسافة دي كلها. لو احنا مشتاقين لرمضان بصدق هنقول اني لاجد ريح رمضان. انس ابن النضر لما دخل غزوة احد قال ايه؟ قال واها - [00:01:30](#)

ريح الجنة اني لاجد ريح الجنة دون احد. اللي هيشاق لرمضان ده صدق يا جماعة المشتاقون الى رمضان. هيقولوا واها لريح اني لاجد ريح الجنة دون رمضان. يا رجالة لسة شهر بالزبط قدامنا شهر. شهر واحد شهر واحد بينا وبين الجنة. لو - [00:01:50](#)

الشهر ده وانطلقنا الشهر ده اخر الشهر ده الجنة بازن الله. ثلاثين يوم. ابواب الجنة التمانية هتتفتح. يعني يا تلحق يا ما تلحقش. هم ثلاثين يوم. يا تلحق يا ما تلحقش - [00:02:10](#)

لو انا قلت لك الوقت قدامك شهر تتعب فيه وهتاخذ مبلغ يكفيك تصرف طول حياتك. تصبر ولا لأ؟ لو انا قلت لك الوقت قدامك شهر تذاكر فيه وهتاخذ اعلى شهادة في - [00:02:20](#)

الدنيا تصبر ولا لأ؟ طب لو انا قلت لك قدامك شهر تعبد الله فيه. وبعد كده الجنة تصبر ولا لأ؟ اسبوع واحد يا جماعة. احنا النهاردة الخميس الخميس الجاي رمضان بازن الله - [00:02:30](#)

سبع تيام لسة على رمضان. يعني الموضوع بقى ساعات. يعني العد التنازلي دلوقتي بقى ما عدش بالايام. عد الساعات سبع ايام وابواب الجنة التمانية هتتفتح. حدس في غاية الخطورة. الكل بيستعد - [00:02:40](#)

في ناس دلوقتي بتستعد بيايمش رمضان. اليايمش جبت اليايمش ولا لأ؟ خزنت قمر الدين ولا لأ؟ جبت القطايف ولا لأ؟ الوصلة الدش ركبناها ولا لأ؟ هو رمضان يحلى من غير الدش ولا - [00:02:52](#)

ولا ايه؟ وفيه التجار دلوقتي يا جماعة مخازن الرز والزيت والسكر اتملت وبيدوروا على مخازن تانية ليه؟ ده الموسم. ده احنا لو ما كسبناش في رمضان ما نكسبش طول السنة. يعني ده استعداد - [00:03:02](#)

تجار الدنيا عشان رمضان. فين استعداد تجار الاخرة عشان رمضان؟ فين استعداد طلاب الفردوس الاعلى عشان رمضان؟ فين

استعداد طلاب الريان عشان رمضان؟ الاستديوهات كلها اربعة وعشرين ساعة في جميع القنوات الفضائية ما بتنامش ليه يا رمضان؟
رمضان الا برامج رمضان ومسلسلات رمضان وفوازير رمضان؟ يعني ده استعداد اهل الله ورمضان - [00:03:12](#)
فين استعداد اهل الحق لرمضان؟ والله الواحد ما الواحد كلمة استعداد للرضيع دي مكسوف منها الوقتي. يعني لو واحد دخل على مدير الازاعة التليفزيونية دلوقتى قال له خد الملف ده. قال له ملف ايه - [00:03:32](#)
قال له ده برنامج مسلسل عايزين نعمله في رمضان. عايزين نستعد به لرمضان. هيقول هيرميه وبعد كده هيرمي الملف وراه. هيقول له رمضان ايه يا ابني؟ ده كان من تمن شهور الاستعداد - [00:03:42](#)
انت جاي دلوقتى بتعمل لي تمسيلية لرمضان. احنا يا جماعة جايين قبل رمضان باسبوع نقول نستعد لرمضان. ده حتى الشياطين بتستعد لرمضان. حذاشر شهر طلوعا معك وطلعوا روحا معك. هيسيبنا كده بسهولة. نضيع منه في شهر بتاع رمضان ده. مش هينفع يا جماعة. الشاطئين يجتمعوا مع بعض. الحقوا ايه؟ ده رمضان قرب. طب وبعدين - [00:03:52](#)
لازم نتصرف الناس هتتوب. الناس هتعبد. الناس خلاص هتروح من ايدينا. الناس هتدخل الجنة. طب وبعدين نعمل ايه؟ لازم نضيع رمضان. يحاول انه يعمل لك معصية توقعك يكلم دي ودي تكلم ده. يحاول يخلي آآ يخليكي تتشاكلي مع جوزك. تتشاكلي مع والدتك. تتشاكلي مع والدك. تلاقى ان الزات جاية لك على الموبايل ايه يا عم! ده ما كانش حد - [00:04:12](#)
ببعبربي فجأة كلهم عبروا لنا قبل رمضان كده ولا ايه؟ يحاول يضيع لك رمضان باي طريقة. بعد كده يجتمعوا الحقوا فيه ايه؟ ده الكلام ده برضو ما ضحكناش على كل الناس. فيه ناس - [00:04:32](#)
وقعت وناس لسة صامدة طب وبعدين هيتوبوا ولا ايه؟ طب نعمل ايه؟ اشغلوهم في ياميش رمضان. خليههم يعملوا جمعيات ويجروا يجروا ببجروا عشان يجيبوا لميش رمضان. وبعد كده الحقوا الحقوا ايه! ده في رمضان الناس هتشتغل لغاية العصر والطلبة هتخلص محاضراتها على العصر. وهيقعدوا يقرأوا القرآن في في المسجد قبل الساعتين بتوع الفطار. طب وبعدين هيتوبوا ولا ايه؟ جود - [00:04:42](#)
شعبان اللي طلع رحنا فينا هيروح مننا ولا ايه؟ طب نعمل ايه؟ بس الدورات الرمضانية. ياه! رمضان يا جماعة بقى عندنا شهر الكورة فوازير والشيشة يا جماعة. مش ده الواقع ولا ايه؟ شوفوا ربنا ربط رمضان بايه؟ واحنا ربطنا رمضان بايه؟ ربنا ربط رمضان بالقرآن. شهر رمضان الذي انزل فيه - [00:05:06](#)
احنا ربطنا رمضان بايه؟ رمضان بقى خمس حاجات. ياميش كورة فوازير مسلسلات شيشة. يا الهي! ده يا حسرة! والله يا جماعة دي امة محمد دلوقتى. بعد كده الحقوا الحقوا في ايه! ده ده عملوا حاجة اسمها التراويح. تراويح بايه كمان! بيفطروا وينزلوا يصلوا العشاء في الجماعة ويصلوا - [00:05:26](#)
التراويح لأ لا يمكن لازم نضيع لهم الفترة دي بقى طب نعمل ايه؟ بس فوازير رمضان والمسلسلات الرمضانية لغاية الساعة اتناشر الظهر يقلب من القناة دي من مسلسل على القناة دي مسلسل هيلف حوالين نفسه من تمن شهور نستعد لهم قبل رمضان عشان نتوهم عن ربنا. ما يوصلوش لربنا ابدأ. بعد كده - [00:05:46](#)
الحقوا الحقوا في ايه! ده اخترعوا اختراع جديد اسمه تهجد. ده ايه؟ تهجد تهجد ده هو كمان. بعد ما يخلصوا المسلسلات الساعة اتناشر بالليل ينزلوا يصلوا في الفجر. طب وبعدين لا يمكن. لازم نسد كل طريق بينهم وبين الهداية. لازم نسد كل طريق بينهم وبين ربنا. لازم نفس الخطة اللي امرأة العزيز عملتها مع - [00:06:06](#)
بنعملها وغلقت الابواب. لازم نقفل كل طريق للجنة حواليههم. ما يلاقوش غير سكك النار. يمشوا في سكك النار يتكبوا في النار. هنروح النار لوحدنا زي ما تاب زي ما نسوا القرآن قبل رمضان نسألوههم في رمضان. زي ما اتبعوا شهواتهم قبل رمضان يتبعوا شهواتهم في رمضان. لازم نتوهم عن مولاهم اللي خلقهم. طب وبعدين نعمل ايه - [00:06:26](#)
نعمل ايه؟ نعمل ايه؟ الخيمة الرمضانية او الخيبة الرمضانية. الشيشة سهرات رمضان مع الشيشة يا جماعة يا جماعة فيه معاصي ما بتنتهكش ، حرمان ما بتنتهش غير في رمضان. فيه شباب بيخرج صحيفته بعد رمضان اسوأ منها قبل رمضان. فيه يا جماعة فيه

شباب ما بيقدش على القهوة - 00:06:46

اصلا غير في رمضان. في شباب ما بتتفرجش على دش غير في رمضان. فحتى الشياطين بتستعد. انت عامل ايه؟ وانت عاملة ايه؟
يا اخواننا يا جماعة لو فريق نزل الملعب - 00:07:06

من غير خطة عما يبدأ يرتب نفسه هيكون الفريق الثاني حط فيه اجوان لغاية ما قطع الشبكة. لو نزلت رمضان من غير برنامج من غير خطة يبقى معك خطة لرمضان. برنامج - 00:07:16

رمضان تكتيك لرمضان. عارف كل ساعة هتعمل فيها ايه عما تبدأ تفوق هتلاقي نص رمضان راح منك. يبقى الوقتي الايميلات كلها جاية والناس بتتصل والناس بتتكلم والناس ناس بتسأل كل الشيوخ وفي كل مكان عايزين برنامج لرمضان عايزين جدول لرمضان عايزين خطة لرمضان هو ده موضوع درس النهاردة جدول رمضان يوم في حياة صائم جدول عملي درس النهاردة - 00:07:26
يا جماعة عشان كده انا عايز كل واحد منكم دلوقتي يحضر معه ورقة وقلم عشان هنكتب مع بعض جدول بقى محدد لك مهامك يوم يوم في رمضان من اول اول يوم لآخره الاربعة وعشرين ساعة. يا يعني الخميس الجاي. الخميس الجاي هنبقى في رمضان فعلا. بازن الله سبحانه وتعالى. هنعمل ايه؟ عايزين نستعد يا جماعة. انا عايز - 00:07:46

وانت على باب رمضان الوقتي تقف مع نفسك وتسالها. تقول لها وانت على باب رمضان. انت عايزة ايه؟ انت عايزة ايه؟ انت عايزة تدخل رمضان يومين عيشة حلوة وسحور وفطار - 00:08:06

وخلاص وجو وخلص ولا عايزة تتغيري وتقلبي وتطلعي بقى في علاقتك بالله. اقف مع نفسك وانت على باب رمضان واسألها. انت عايزة ايه؟ انت عايزة حرف الاخرة ولا حرف من كان يريد حرث الاخرة نزل له في حرثه. ومن كان يريد حرث الدنيا نؤته منها وما له في الاخرة من نصيب - 00:08:16

والعياذ بالله اقف مع نفسك وانت على باب رمضان واسألها. انت ما ندمتيش على اللي فات! يا جماعة ده العلماء لما عدوا الكبائر في الاسلام لقوا الكبائر اكثر من خمسمية كبيرة! انت متخيل - 00:08:36

خمسيت كبيرة احنا كل اللي نعرفهم سبع تمن كبائر. يعني يا ترى احنا وقعنا في كم واحدة منهم؟ يا ترى يوم القيامة هنلاقي في صحيفتنا كم واحدة منهم؟ يا ترى كم حاجة عملناها ينطبق عليها قول الله - 00:08:47

وتحسبونه هينا وهو عند الله عظيم. يا ترى يا جماعة يا ترى العلماء بيقولوا لا صغير مع الاصرار او الاصرار ده كبيرة. كم زنب انت عليه. كم ذنب انت مصرة عليه؟ ممكن يكون شوية مكياج خفيف ده في حد ذاته مسلا مش معصية من الكبائر. ولكن الاصرار عليه من الكبائر. متخيلة معي - 00:08:57

انا عايزك تقف مع نفسك وانت على باب رمضان وتسالها. انت مش خايفة من اللي جاي. ده الحر القاتل اللي احنا فيه ده هو كله اللي خلاص هنموت منه. الشمس على بعد - 00:09:17

ثلاثة وتسعين مليون ميل. يوم القيامة هي هتبقى على بعد ميل واحد. الثلاثة وتسعين مليون هتتشال وهتبقى واحد بس اقف مع نفسك كنت على باب رمضان واسألها. انت مش حزينه على الوضع اللي انت فيه. انت مش حزينه على الوضع. كل الناس سبقوني. كل اللي حواليا سبقوني. كل الملزمين سبقوني. ما هو - 00:09:27

في واحد بيسمع الفجر جنبه ينام ويكسل ينزل في الجامع. وفي واحد زي جعفر بن ابي طالب اتقطع تحت عشان الاسلام. في غزوة مؤتة. همم يا جماعة. همم انت من اهل نوع همتك من انهني نوع؟ انا عايزك وانت على باب رمضان تقف مع نفسك وقفة جادة وتسالها. انت مش مشتاقة للجنة؟ ما نفسكيش في الجنة بقى - 00:09:47

يا عبادي لا خوف عليكم اليوم ولا انتم تحزنون. طالعين لسة من الصراط والميزان والاهوال والشمس والحر والظلام قدامهم الجنة فالناس فتحت ابواب الجنة رأوا ما لا عين رأت ولا اذن سمعت. ذهلوا فبدأوا يخافوا احسن نرجع ثاني. احسن نتحرم منها بعد ما شفناها. احسن الجنة - 00:10:08

تروح مننا فبدأوا يتلفتوا للعذاب ربنا قال لهم لا لا لا لا خوف عليكم اليوم خلاص ما تبصوش وراكم اطمنوا انطلقوا على الجنة. ولا انتم

الذين امنوا باياتنا كانوا نضاف من جوة وكانوا مسلمين كانوا نضاف من برة. لازم عشان تدخل الجنة تبقى نضيف من جوة ومن برة. لو انت نضيف من جوة - 00:10:28

هو عينيك هتبقى نضيصة وما تبصش لحرام. وابنك هتبقى نضيصة ما تسمعش حرام. يا عبادي لا خوف عليكم اليوم ولا انتم تحزنون. الذين امنوا وكانوا مسلمين. ادخلوا الجنة. ياه! ادخلوا الجنة. يا رب انا مش مصدق نفسي. انا باسمع كلمة ادخلوا الجنة. الجنة الرهيبة دي - 00:10:48

يا رب ده انا عشت حياتي كلها مشتاق لها. الدنيا كلها كل ما اسمع عنها قلبي يتفطر نفسي ادخلها. اخيرا يا رب ادخل الجنة. ده انا كنت في الدنيا عطشان - 00:11:08

اشرب معلش انها الجنة. جعان كل انها الجنة. طب معلش ربح نفسك من الدعوة شوية انها الجنة. طب ما تطلعش كل الفلوس اللي معك انها الجنة في يوم ورا يوم يا رب من الجنة. ولما مت وفي القبر بتاعي اتفتح لي باب للجنة بس ما كانش ينفع ادخلها. زوجي شوقي شوقي زاد اكثر واكثر للجنة يا رب - 00:11:18

جه يوم القيامة واذا الجنة ازلت. شفت الجنة قدام عيني يا رب ريحانة تتلأأ وريحانة تهتز ونور. شفت الجنة قدام عيني ما قدرتش اقاوم يا رب ده انا عمري كله عشته شوق للجنة. اخيرا النبي قدامي بيحرك حلق الجنة. واخيرا الابواب بتتفتح. واخيرا الملايكة خلاص بتأذن. واخيرا - 00:11:38

ربنا سبحانه وتعالى من علينا وقال ادخلوا الجنة. الله اكبر! مش مشتاقين للجنة! انا باقول لكم الكلام. انا باقول لكم اجتهدوا في رمضان ليه! انا عايز اعزبكم! انا انا عايزكم تدوقوا - 00:11:58

اعظم لزة في الدنيا والاخرة. اقف مع نفسك وانت على باب رمضان واسألها. انت مش خايصة من النار؟ انت مش مرعوبة من النار؟ كفاية والله اية يطوفون بينها بين النار وبين حميم الان. بين الحميم اللي بيغلي بتاع النار. ادخل المطبخ. ادخلي المطبخ الوقتي. ولعي البوتاجاز على حلة مية كبيرة لغاية ما تغلي - 00:12:08

وولعي الفرن العين فوقانية والتحتانية. لغاية ما الفرن يبقى مولع من جوة. تخيلي مين يقدر يطلع من المية اللي بتغلي يتحط في الفرن؟ يطلع من الفرن المشوي يتحط في المية اللي بتغلي. يطوفون بينها وبين حميم الان. الصحابة كانوا قاعدين مع النبي عليه الصلاة والسلام سمعوا صوت شديد. صوت ايه ده يا رسول الله؟ صوت - 00:12:28

الحجر بقى له سبعين سنة اما وصل لقاع جهنم. طب هو ربنا بيسمعنا صوت الحجر ليه؟ ده ده وقود للنار. بيسمعنا صوت وقود النار ليه؟ ربنا يريد ان هو عرفنا ان النار بتعد مش معنى انك غافل ان النار مقفولة لغاية ما انت تفوق. مش معنى انك انت غافلة وبتعصي ان عقوبات المعاصي ما بتعدش لغاية ما تتوبي. كل - 00:12:48

حاجة بتعد يا جماعة. اقف مع نفسك وانت على باب رمضان وقل لها ما ينفعش. ما ينفعش. الشاب اللي بيصحى من النوم ينزل الجامعة يبص لليون دي ويتكلم مع دي ودي ويسلم على دي ودي وياخد نمرة دي ويدي مسد لدي وبعد كده وبعد ما يخلص بقى اللقاءات بتاعته وهو ماشي مخنوق - 00:13:08

طب بس كان ربنا. طب حتى ندخن سيجارتين حتى وبعد كده مخنوق من الصيام بقى بيعبد ربنا وهو كاره. بعد كده يطلع على الدورة الرمضانية يلعب كورة يرجع القطار قبل ما يمد ايده على الاكل يشرب سيجارتين. يشرب يفطر على معصية الله. بعد كده ان كان هينزل التراويح بقى ممكن ينزل التراويح. ينزل التراويح يطلع منها على الخيمة الرمضانية - 00:13:25

اسهر فيها لنص الليل بعد كده يرجع بيته ينام ما يصليش الفجر عشان يصحى ثاني يوم. يكرر الدورة في الجامعة. ينفع يا جماعة؟ ده رمضان يوصلنا لربنا؟ ما ينفعش على مدار المعصية وياه اللي تضيع لك رمضان؟ ما ينفعش مع رمضان الخيبة الرمضانية والا تضيع لك رمضان. ما ينفعش يا جماعة. عشان تصوم صح لازم عينك تصوم. وودنك تصوم - 00:13:45

وقلبك يصوم ووشك يصوم وكل جارحة فيك تصوم ولسانك يصوم لازم يا جماعة رمضان واحنا على باب رمضان لازم تقف مع نفسك بتقول لها ايه بقى؟ الحياة فرص. الفرصة اللي بتيجي ما بتتعوّضش. الفرصة اللي بتيجي وتروح ما بتتعوّضش. الحياة فرص. فرصة

اهي. انا ضيعت رمضان كثير. والفرصة ربنا - 00:14:05

تاني الفرصة مش هتتعوض. لو انا قعدت اقنعك الوقتي ان الماجستير او الدكتوراه فرصة خدها واتعب شوية بس هتبقى باشا بعدها. ها هتتعب. انما الوقتي انا بقنعك ان رمضان ده فرصة عمرك. اتعب شوية وهتبقى ماشي بعدها. رمضان يا جماعة. ركزوا معي. رمضان فرصة عمرك من اجل جمع اكبر - 00:14:25

كم من الحسنات ازاى ؟ حسنات اليورو بتاع الاخرة الاسترليني والدولارات بتاعة الاخرة. عملة الدنيا بتاعة الفلوس والوقت دي ما بتمشيش في الاخرة يا جماعة. غيروا عملة غيروا وقتكم وفكركم وحياتكم وكل زرة افتقتكم لعملات عشان رمضان عشان الاخرة يا جماعة غيروا بقى ده رمضان ده - 00:14:45

انا مش مش عشرات الحسنات ولا مئات ولا الوف ولا ملايين ده مليارات ده عمرة في رمضان مش بتاع دي العمرة. بتعدي الحجة مع النبي. امال القرآن في رمضان يبقى ثوابه يتضاعف قد ايه ؟ لو تضاعف ثواب الخاتمة - 00:15:05

حوالي ثلاثة مليون حسنة في الايام العادية. في رمضان لو سبعين ضعف يبقى متين مليون حسنة. متين وي. سبحان الله العظيم.

يبقى سواب باقي الاعمال وسواب الزكر بيتضاعف قد ايه - 00:15:19

ده في ليلة واحدة في رمضان ليلة القدر. السواب بيتضاعف فيها ثلاثة وتمانين سنة ستين الف ضعف. التسبيحة بستين الف تسبيح. الصفحة القرآن بستين الف صفحة. الركعة بستين الف ركعة. الصدقة في تفطير صائم ولا سحور. واحد هيصوم بكرة بستين الف صدقة - 00:15:29

الله اكبر فما بالك المضاعفة في باقي رمضان شكلها ايه ؟ عشان كده كان النبي من قبل رمضان يدعي عشان يبلغ رمضان والصحابة من قبلهم ست شهور. فيما روي عن رسول الله صلى الله عليه وسلم - 00:15:49

ييجي رمضان يفضل يصلي لدرجة ان لما الصحابة صلوا وراه خافوا ان السحور يفوتهم. ييجي العشرة الاواخر يسبب الدنيا كلها كلها. يعتزلها ويقعد يعبد ربنا ليل نهار ييجي اخر تلت اربع تيام في رمضان حتى الاكل والشرب يسببه حتى الاكل والشرب. ما يدلوش وقت ويقول اني ابيت عند ربي يطعمني ويسقيني - 00:15:59

النبي بيعمل كده في رمضان ليه يا جماعة ؟ رمضان يا جماعة. رمضان ده انت متخيل الصيام ده في الدنيا لخلوف فم الصائم اطيب عند الله من يريح المسك. خلوف فم الصائم اطيب - 00:16:19

هو الحاجة الوحشة لما تبقى حلوة في عينيك امتى ؟ يعني طفل ما هوش حلو، لكن في عينين امه اجمل طفل في العالم لانها بتحبه. الله بيحب الصيام. الله بيحبك وانت صائم. يبقى - 00:16:30

عش في الدنيا في حب الله. تيجي لما تموت للصائم فرحتان. فرحة حين فطره وفرحة حين يلقي الله افراح هيملى موتك افراح. ايوه يوم القيامة بقى يا سلام بقى ريحتك اطيب من خلوف فمك ده اطيب من ريح المسك. الشهيد ريحة دمه الريح ريحه مسك - 00:16:40

انما الصائم اطيب من ريح المسك. انت واخذ بالك من المعنى الرهيب دهو ؟ يعني الصائم ده ما فيش حد في ريحته اصلا. ما فيش حد في عطره يوم القيامة. النار انت بعيد عنها كل يوم بسبعين - 00:17:00

الخريف بعيد عن النار. الجنة الله اكبر ان في الجنة باب يقال له الريان. الريان هتتروى لما تشبع جميع رغباتك. في الجنة جوة الجنة مش على باب الجنة من كتر التكريم كانه قصر جوة القصر. فيلا جوة الفيلا. استراحة داخل القصر حاجة بقى ما حصلتش - 00:17:10

وحشين كده يا جماعة عشان كده طب ليه ؟ ليه السواب الرهيب ده ؟ لان شف ربنا بيقول في الحديث القدسي ايه ؟ انه ترك شهوته من اجلي. ترك. كلمة ايه التركة دي هي اللي فيها السر كله ساب انه ساب عشان ربنا. يا حبيب قلبي يا اختي في الله ده اللي ساب لقمتين وبق مية عشان ربنا في الدنيا اداله - 00:17:27

في الجنة اسمه الريان. لو انت سبت المعاصي اللي بتعملها. لو انت سبت البنات اللي انت بتكلمها. لو احنا تبنا الى الله وسبنا كل حاجة

بتعطلنا عنه. امال هيدينا ايه؟ لو سبنا - 00:17:47

كل حاجة لله. من ترك شيئا لله عوضه الله خيرا منه. لقميتين بباب في الجنة. امال لو سبت بقى له اكثر من كده؟ لو سبت الشهوات. يا اهي يبقى اذا يا جماعة رمضان فرصة عمرك من اجل جمع الحسنات. رمضان فرصة عمر وعمرك وعمرك وكلنا. من اجل تسديد الديون - 00:17:57

اللي علينا. فيه حاجة اسمها مواسم في كل تجارة. في بتوع الاكل رمضان موسم. بتوع اللبس العيد موسم. آآ تيجي له تقول له الدين اللي عليك يقول لك لا تعال - 00:18:17

في الموسم. انا في الموسم ما باكسبش ميات انا باكسب الوف مؤلفة. عشان كده لو ما سددتش في الموسم ما يعرفش يسدد طول السنة. اهو رمضان ده الموسم بتاعنا يا جماعة اللي احنا بنسدد الزنوب اللي عليه - 00:18:27

سبحانه وتعالى. لو انت ما سددتش في رمضان مش هتعرف تسلم طول السنة. رمضان ده الموسم اللي احنا بنجمع فيه الوف مؤلفة من الحسنات. عشان كل زنب بتعمله شوكة في قلبك - 00:18:37

تخيل لو شوكة في رجلك تؤلمك قد ايه؟ طب لو شوكة في قلبك؟ رمضان جاي ينزع الاشواك دي. يبقى نفرح به قد ايه؟ يا اللي عليك مئات الالوف من السيئات لله. فرصة - 00:18:47

عمرك جت! يا اللي عليك الكبائر في صحيفتك فرصة عمرك عمرك جدا! يا اللي عشت سنين في الحرام فرصة عمرك جت! احنا فينا ناس يا جماعة بتعمل الوف الزنوب يوميا! بس - 00:18:57

احنا نخرج من رمضان بس زنوب غض البصر من الكفارة. زنوب التليفزيون متكفرة. زنوب الغيبة متكفرة. عايزين نشد حيلنا في رمضان احنا جايين لك يا رب في رمضان بقى لنا حداثر شهر بنعصيه جايين وعلى زهرنا جبل زنوب. شيله من على زهرنا يا رب. ارحمنا يا رب. رغم انف امرئ ادرك - 00:19:07

ولم يغفر له مناخير هيتمرغ في التراب يوم القيامة من الندم. على انه ما اشتغلش وما اجتهدش في رمضان. رمضان فرصة عمري وعمري وعمرنا كلها كلنا. رمضان فرصة عمرك من اجل صفحة جديدة مع الله. الله! وانت داخل رمضان كده ثلاث يفظ خمار مكتوبين. من قام - 00:19:27

رمضان ايماننا واحتسابا غفر له ما تقدم من ذنبه. الياطرة الثانية من صام رمضان ايماننا واحتسابا غفر له ما تقدم من ذنبه. الثالثة من قام ليلة القدر ايماننا واحتسابا غفر له ما تقدم من ذنبه. يعني ايه غفر له ما تقدم من ذنبه؟ يعني صفحة جديدة مع الله سبحانه وتعالى. ورمضان - 00:19:47

الاعمال بتاعتنا بترفع في شعبان. يعني رمضان ده اول صفحة في الصحيفة الجديدة. يعني انت لما تشتغل تبقى اول صفحة منورة في الصحيفة اللي هتطلع الى الله سبحانه وتعالى عنك. يبقى دي - 00:20:07

صفحة جديدة مع الله سبحانه وتعالى. يعني ايه ايماننا واحتسابا؟ يعني انت بتشتغل وانت قلبك عايش مع الجنة يا رب. انا يا رب باشتغل وباعبدك عشان تدخلني الجنة يا رب احتسب الجنة يا رب من وراء عملي. دخلها لي يا رب. امتى يا رب هسمع كلمة ادخلوا الجنة؟ امتى يا رب الابواب هتتفتح قدامي يا رب - 00:20:17

الملائكة هتسوق بي لغاية الجنة يا رب. والنبي عليه الصلاة والسلام هلاقه على باب الجنة يا رب. امتى ابص لوجهك الكريم يا رب؟ امتى ادخل الجنة كده واجري يمين وشمال - 00:20:37

وادخل القصور وادخل الغرف واكل من الثمار واشرب من العصائر واكل من الطيور بتاعتها واروح الصلبة دي وازور اصحابي في الفردوس الاعلى وازور اصحابي هنا وهنا امتى يا رب؟ امتى يا رب؟ امتى يا رب ادخل الجنة بقى؟ رمضان فرصة عمرك وفرصة عمرك من اجل - 00:20:47

مع الله. مش يقول لك ساعة لقلبك رمضان شهر لقلبك انت بتحط الشاحن في المحمول ثلاث ساعات تمشي به ثلاث تيام. انت هتخط قلبك في الشحن شهر كامل. ثلاثين يوم تمشي به قد ايه بقى؟ يبقى - 00:21:07

يعني الشباب اللي بينزل الجامعة يقعد يعيط من الفتن اللي فيها والبنات والمنازل ويرجع يبكي. احد الشباب كان مبهور بشاب التزم جديد. كل شوية يبجي يقول لي ده عمل ده سوى ده معقدي ده ما حصلش. مرة لقيته جاي مفزوع. ايه يا ابني فيه ايه؟ قال لي ده انتكس. ده انا شفت منظره غريب جدا. رحت اسأل عنه قالوا لي لا حول ولا قوة - [00:21:21](#)

انتكس قلت له يا حبيب قلبي انت مستغرب من ايه ؟ حاجة طبيعية جدا. اي واحد هيدخل سكة الدين ومش هيهتم باصلاح قلبه هينتكس ، ليه ؟ امراض وشهوات زمان هتطلع عليه في لحزة من اللحزات. حاجة طبيعية قلبك. شهر لقلبك. شهر لقلبك. شهر لقلوبنا جميعا يا جماعة. شهر بقى ده الصحابي - [00:21:41](#)

لما الرسول طمعهم في الجنة قبل الجهاد رمى التمرات من ايديه. قال لان عشت حتى اكل هذه التمرات انها لحياة قليلة. ده شعرنا في رمضان. نرمي الدنيا من ايدينا. لان - [00:22:01](#)

حتى اكل هذه التمرات. انها لحياة قليلة. ما فيش وقت حتى ان انا اكل تمره واحدة. ما فيش وقت في رمضان غير للعمل. والجهد والاجتهاد شهر لقلبك. فرصة للمصالحة مع الله. لما اب يكون زعلان زعلان من ابنه. انت زعلان ليه ؟ من كذا وكذا ومش هرضى عنه الا لما يتغير - [00:22:11](#)

لازم تتغير لازم تتغير لي. لازم نتغير يا جماعة. رمضان فرصة ان احنا نتغير. فرصة ان قلبك يتغير. ده انت بتتمضمض في رمضان في الموضوع. بيبقى فيه نقطة مية في بفقك. ما فيش مخلوق حاسس - [00:22:30](#)

بها وتقعده تبصق ثلاث اربع مرات عشان عارف ان ربنا شايفها سبحانه وتعالى من فوق سبع سماوات. مقام المراقبة هيبجي في قلبك. قلبك هتتغير في رمضان. لما تتعود على صيام ثلاثين يوم تخرج من رمضان واخذ على الصيام. اتنين وخميس سهلين. خدت ثلاثين يوم تهجد من غير منبه. انت بتصحى - [00:22:42](#)

قيام الليل ثلاثين يوم بتقرا القرآن خلاص يا رب انا حببت القرآن ما اقدرش اسيبه بعد كده. ولا يوم ثلاثين يوم بتزهده في الفطار ما تتقلش في الفطار خدت على - [00:23:02](#)

ثلاثين يوم بتكفي الاسرة فقيرة دورت عليها لغاية ما ربنا رزقك بها بقى باب طول السنة كل ما تحب تدي صدقة عرفت مكان اسرة فقيرة تديها عندك تودي الاسرة شوية اكل من اللي عندك. عندك ازازتين زيت وقزازتين سكر وكيسين تودي للاسرة الفقيرة. رمضان يا جماعة فرصة للتغيير في حياتنا. فرصة ان كل حاجة - [00:23:12](#)

في حجة تتغير اوعوا تضيعوها. رمضان فرصة عمري وعمرك لتمتين اساس ديننا الرسول بيقول بني الاسلام على خمس خمس عواميد كبيرة. الشهادتين والصلاة والصوم والزكاة والحج. يعني الصوم قبل اساس دينك. يعني لما تصوم ثلاثين - [00:23:32](#)

ورا بعض اساس دينك يمتن ولا لا ؟ يمتن. يعني لما ثلاثين يوم تكبيرة احرام وصلاة جماعة ونوافل وتهجد وتراويح. اساس دينك يمتن ولا لا ؟ يمت يعني لما ثلاثين يوم يقينك بالشهادتين يزيد من قراءتك للقرآن. اساس دينك يمتن ولا لا ؟ يمتن. تيجي بعد رمضان تقدر تعلي دوار بقى فوق بقى. لان - [00:23:51](#)

الاساس متين. تعلي دور الدعوة الى الله تستحمل. لان الاساس متين. رمضان فرصة عمرك للفوز في الآخرة. فرصة عمرنا والله يا جماعة ان احنا في الآخرة ازاى ؟ ياه ده الصحابة كانوا بيقدوا ست شهور قبل رمضان يدعوا ربنا ان هم يبلغوه. وست شهور بعد رمضان يدعوا ربنا انه يتقبل. يعني يا رب انا - [00:24:11](#)

انت مش عايز اقابلك غير بربما. بس انت تقبل مني رمضان. ارجى عمل عملته في حياتي يعني الرسول عليه الصلاة والسلام بيقول ايه ؟ اذا كانت اول ليلة من رمضان احداث كونية رهبة هتحصل بعد اسبوع - [00:24:31](#)

عاوزه كده تقول ايه يا رمضان صفدت الشياطين ومردت الجان. اوعى ربنا يصفد لك شياطين الجن تروح برجليك لشياطين الانس اوعي من صحبة السوء في رمضان. اوعي من صحبة السوء في رمضان. يا جماعة ولما خنزة بشيطان الوسوسة في الصلاة يتكبل. وتيجي بعد كده تسرح في الصلاة بيقى انت الوحش. فضحت - [00:24:42](#)

قدام نفسك. فضيحة ما فيش شيطان اهو. يعني عدوك متصفد. لما تدخل معركة مع واحد بتكلبش ويكسبك بيقى انت ما انتش حاجة

بقي. يا جماعة نفسك دي نفسك الوقت لازم تقوم وتقاوم. انت دلوقتي عدوك متكلبش. قم اجري بقي. قم انطلق بقي. قم انطلق خليه
ما يلحقكش بعد رمضان بقي لما يفوق من الكلبشة دي. قوم. اذا - [00:25:02](#)

كانت اول ليلة من رمضان صفدت الشياطين ومردت الجان وغلقت ابواب النار. فلم يفتح منها باب. يا الهي! لم يفتح من الباب ولا باب
واحد. ازاى يا رب؟ اوعى ربنا يقفلها لك تفتحها على نفسك بباب - [00:25:22](#)

جديد. وفتحت ابواب الجنة فلم يغلق منها باب. ولا باب يا رب. يعني الوقت اهو انت ما انت باب مفتوحين اهتمت كل باب فيه بدائع
ومعجزات غير الدنيا هم من بعيد اهو اجري اجري قدامك ثلاثين يوم هتلق في الثلاثين يوم انك تلحق كم باب من الابواب دي
هتخرج بكام باب اهم مفتوحين اهو - [00:25:37](#)

اجري وانطلق وادخل قبل ما رمضان يخلص. بلاش الشيطان ينيمك بلاش. الشيطان يا جماعة بيحي لنا بالليل عشان ما نقومش الليل
يقول لنا ايه؟ عليك ليل طويل فارض يا سيدي لسة بدري. اهو بيحي لك في شهر رمضان يقول لك عليك شهر طويل فارقد. يا سيدي
ابقى فوق في العشرة الاواخر. وفي العشرة الاواخر يا سيدي - [00:25:57](#)

سبعة وعشرين زي ما ضيع عمر الشباب الوقتي. بايه؟ عليك عمر طويل فاركض. يا جماعة السمكة لو دخلت شبكة الصياد وما لقتش
مخرج تخرج هتتشوى في النار بعد ساعة. انتم الوقتي زوبنا محيطة بنا. لو ما لقيناش مخرج هنتشيه في النار. يبقى المخرج ربنا
اداه لنا وهو رمضان - [00:26:17](#)

اه يا عم الشيخ بص بقي يا عم الشيخ نعم يا حبيب قلبي الشيخ! يا عم الشيخ! نعم يا اخت عم الشيخ في الله! يا مولانا! نعم يا حاج!
خلاص احنا - [00:26:37](#)

رمضان خلاص هننطلق ان شاء الله. اللي هيقول واحد رمضان هينطلق ثلاث رمضان هيقع. ليه؟ ما سخنش ما سخنش. انس بن الناصر
يا جماعة لما فاتته غزوة بدر سؤال لان ادركت غزوة اخرى مع النبي ليرين الله ما اصنع. انت قل كده لان ادركت رمضان ليرين الله ما
- [00:26:47](#)

انس ابن النضر لما دخل غزوة احد لقي النبي المشركين ملفوفين حواليه والمسلمين فيه ناس هربت برة المعركة بص للمشركين وقال
اللهم اني ابرأ مما فعل هؤلاء وبص للمسلمين وقال واعتذر اليك مما فعل هؤلاء. تلاقي الخيبة الرمضانية منصوبة والدش شغال
والشباب بيتفرجوا. تبص - [00:27:07](#)

وتقول اللهم اني ابرأ اليك مما فعل هؤلاء. وتبص على الشباب وتقول واعتذر اليك مما فعل هؤلاء ثم تنطلق. قبل اقول لك الجدول
بتاع رمضان قبل ما اقول لك استعد لرمضان باقول لك استعد للموت. ايوة هو صحيفة الوفيات يوم واحد رمضان. مش مليانة؟
مليانة والله العظيم. ساعتها الوفيات مليانة. يا - [00:27:27](#)

مع الاهرام فيها ثلاث صفحات وفيات كل يوم. ثلاث صفحات. يعني لسه قدامنا حوالي ثلاثة في سبعة بواحد وعشرين صفحة وفيات.
مممكن يكون اسمك فيهم. احنا عايزين مممكن يكون اخر رمضان في حياتنا على رمضان الجاي هيكون ثلاث صفحات وفيات في
تلتमित يوم ده حوالي الف صفحة. معقول انا مش هبقى واحد منهم! ده اخر مممكن يكون اخر فرصة في - [00:27:49](#)

فيه ناس دلوقتي والله وانتم بتسمعوا عن ربنا. فيه ناس دلوقتي بتزني وناس بتشرب مخدرات قوموا قوموا واشكروا نعمة ربنا ان انا
هسمعكم عنه. وان هو سمعكم عشان نفوق في رمضان ونشتغل في رمضان. يا جماعة كم واحد صاحبك مات من السنة اللي فاتت؟
كم واحد قريبك مات من السنة اللي فاتت؟ كم واحد جارك وتعرفه مات من السنة اللي فاتت؟ كثير كثير - [00:28:09](#)

ليه ما تكونش انت واحد منهم قبل رمضان ده او قبل رمضان الجاي؟ عايزين نشتغل يا رجالة. لو قلنا ان فيه مية واحد مننا هيموتوا
قبل رمضان. ليه ما اكونش انا - [00:28:29](#)

ليه ما تكونش انت؟ قبل رمضان لازم تاخذ بالك من الحرام اللي هيسرق منك رمضان. الجدول ده الجدول ده مليون حسنة. صفحات
صفقات كنوز. كنوز بازن الله. الكنوز في في حرامي انت قاعد في رمضان في الموسم قاعد تقبض الوفات من الزباين ومقعد على
الخزنة حرامي. قاعد يسرق منك. الكاميرا الخفية بعد الفطار شغالة - [00:28:39](#)

اوعى تتفرج عليا في الكاميرا الخفية الحقيقية. الكاميرا الخفية من عند الله سبحانه وتعالى. اللي بتراقبك. يا جماعة ده الواحد لما هيكون مسافر مسلا جوة يعني نازل مشوار جوة المحافظة بتاعته هينزل يدور العربية ويمشي. انما لما تكون مسافر من مصر للسعودية بعربيتك لأ هتكشف على الكاوتش وعلى البطارية وعلى البنزين وعلى الفتييس وعلى الجادون اه - [00:29:01](#)

ده سفر طويل. رمضان ثلاثين يوم. عايز قلب ماراثوني. عايز لياقة ايمانية عالية. افرض جيت تنزل رمضان يوم واحد. رمضان تبدأ تجتهد؟ ليه تتنك فضي؟ لقيت البطارية نايمة لقيت الكاوتش اللي نايم منك. لقيت الجادول مش متحكم فيه نفسك مش متحكم فيها. عشان كده لو انت مت دلوقتي. بعد اسبوع ربنا قال لك هديك كمان يوم. احيا كمان - [00:29:21](#)

صلاة الفجر لأ ما ضيعهاش. جلسة الضحى دي حجة وعمرة. النهار لأ ده انا صايم. بالليل القيام. اعتبر كل يوم في رمضان اخر يوم في حياتك. اعتبر كده الساعة في رمضان تفرق. انتم عارفين اللي يفتر عن العبادة ساعة في رمضان عامل زي ايه؟ اللي يفطر عن الشغل ده في رمضان ساعة عامل زي ايه؟ عامل زي تاجر في عز - [00:29:41](#)

موسم قفل المحل بتاعه. وقف لله تعالى خلاص يا رب. خلاص يا رب يترانا ما اصنع يا رب. خلاص انا عندي خمسة وثلاثين سنة مسلا مسلا يعرف فات علي عشرين رمضان عشرين فرصة ولسه ما اتعتقتش من النار! عشرين فرصة ولسه ما دخلتش الفردوس الاعلى! يبقى انا كنت بلعب بقى قبل كده! يبقى لازم رمضان ده يبقى - [00:30:03](#)

رمضان جديد بازن الله. نبدأ في الكلام في الجدول الوقتي يا جماعة. الجدول ده هو يعني طبعا صعب انكم تشوفوا الورقة. ولكن ده الورقة اللي اتبع فيها الجدول آآ يعني طباعة جميلة بازن الله سبحانه وتعالى يوم في حياة صائم. هيبداً الجدول بتاعنا من اول بعد العصر. بعد العصر يعني اسمع العصر واروح اصلي طبعا. لا اوعى يا حبيب - [00:30:23](#)

الجدول ده هيبداً من امتي؟ يوم الاربع اللي جاي اللي هو اول ليلة في رمضان. اوعى رمضان المغرب بتاعه يدن وانت غافل ولا نايم ولا مشغول. المغرب يدن وانت في الجامع - [00:30:43](#)

مستعد ومستنيه. العصر يبدأ العصر. العصر ابقى في الجامع. اوعى يا حبيب قلبي. اوعى يا اختي. انت تبقي على سجادة الصلاة بتاعتك قبل الاذان. وانت تبقي في الجامعة قبل الاذان متوضي ورايح الجامع. عشان اوعى يفوت عليك سواب ترديد الاذان. اوعى يفوت عليك سواب السنة القبلية. اوعى يفوت عليك سواب الدعاء بين الاذان والاقامة المستجابة - [00:30:53](#)

اوعى يفوت عليك صواب تكبيرة الاحرام. سواب الصف الاول. ثواب صلاة الجماعة. ثواب اذكار بعد الصلاة. ثواب السنة البعدية. سواب الخشوع في الصلاة. اوعى يا اختي اوعى يا جماعة يبقى العصر يدن علينا واحنا متوضيين وعلى سجادة الصلاة في البيت او في الجامع. الست في البيت والراجل في الجامع. خلاص اتفقنا بعد العصر هتعمل ايه - [00:31:13](#)

الحاجة اللي هقولها لكم دلوقتي دي من اكثر الحاجات اللي غيرت حياتي. اي والله. من اكثر الافكار اللي اسرت في. انتم عارفين انا عملت بعدها زي ايه؟ زي واحد كان راكب عربية - [00:31:33](#)

سرعتها عشرين كيلو في الساعة فهو بيسافر يعني بقى بياخد مرسى المنصورة للقاهرة دي بقى في يومين ثلاثة مسلا. فعمل حاجة كده فجأة كده او او حد عرفه حاجة فجأة في العربية لقي العربية بتمشي - [00:31:46](#)

اتنين كيلو في الساعة. ايه ده! ده انا ما كنتش عايش. ده انا ما كنتش راكب. انا اول مرة يا جماعة اكتشف القرآن بالفكرة دي. فعلا او من الافكار اللي غيرت حياتي لوحدي. ايه هي - [00:31:57](#)

انا كلنا بنقف في التراويح بنصلي سرحانين مش فاهمين الايات. طب الحل ايه؟ لما يكون في مادة صعبة محاضرة صعبة عندك او مادة صعبة في المدرسة عندك بتعملي ايه؟ بنحضر المادة قبل ما نحضر الحصة او المحاضرة. تحضر الحصة او المحاضرة مركز تمام التمام تمر عليك كأنها دقيقتين. احنا هنحضر - [00:32:07](#)

الجزء اللي هيتقرا في التراويح بالليل. ايه رأيكم؟ يعني هيتقرا الجزء الاول يبقى العصر من العصر للمغرب في الاربع الجاي ده نقرا الجزء الاول بس خد بالك بالعصر المغرب اقعد اقراه بخشوع بتركيز بتدبر بتكرار عيش معه عش. انا فاكر سنة كنت بصلي وراه امام بيقراً جزء ونص في في الليلة - [00:32:27](#)

كنت بحضر الجزء ونص اقرأ تفسيرهم بسرعة هو ايه من تفسيرهم واحضرهم واقراهم بسرعة. واقراهم يعني قربت لهم. واروح والله يا جماعة كأني كنت بصلي وراه ركعتين والاخ اللي على يمينك وشمالك ممكن تعباين وانت ولا انت داري. انت عايش مع الايات. حضروا الجزء اللي هيتقري في التراويح. واحد هيقول لا لا استنى استنى. ده انا عايش في رمضان بقرا كتير كتير - [00:32:47](#)

انا عايز اكتب كتير جدا. انا يا حبيب قلبي. يا جماعة يا جماعة اسمعوا كلامي والله العزيز علاقتكم هتنقلب بالقرآن. هتكتشفوا في القرآن حاجات عمركم انتم كنتم مكتشفينها كنتم بتعتبروا ان الالة سرعتها عشرين كيلو في طلعت الفين كيلو في الساعة. ولله المثل الاعلى. هتكتشفوا ان ان القرآن ده بيحبيب طاقة ايمانية - [00:33:07](#)

رهيبه. سم انت في الجدول ده زي ما هنقول الوقتي انت ما فيش فرق بينك وبين اللي بيختم كتير. ليه؟ اللي بيختم كتير ده كل اسبوع بيختم مرة. يبقى في رمضان الربع قد مات - [00:33:27](#)

انت ماشي في اربع ختمات مع بعض. ازاى؟ هنقول الوقتي. يبقى اذا عايزين نحضر الجزء بتاع التراويح من العصر للمغرب. ده حضروا تحضير كويس تمسك الجزء كده تقرا وتعيش مع اية اية مع بداياتها ومع خواتيمها ومع كلمة كلمة ليه - [00:33:37](#)

القرآن بقى القرآن تيجي تصلي في التراويح والله العزيز هتدعي لي. مش هتسرح ابدأ باذن الله سبحانه وتعالى. طيب. بعد كده قبل المغرب بربع ساعة يكون في الجامع طب انا بطبخ انا واحدة ست اطبخ وانت وانت بتطبخي لكم دعوة مستجابة كل يوم تضيعوها ازاى؟ ده انتم دعموا الصلاة كل يوم يعني ثلاثين - [00:33:53](#)

دعوة مستجابة لنا في رمضان. انت لو ثلاثين مشكلة ومشاكل حياتك اتحلت هيفضل في حياتك اهي. لو ثلاثين طموح من طموحاتك اتحقق هيفضل في حياتك نقص ايه؟ لك دعوة اوعى تضيع - [00:34:15](#)

اوعى تضيعها. الربع ساعة الاخرانية دي تبقى في الجامع. معك كتيب من كتيبات جوامع الدعاء تخلصه. تدعي. اللي فات يا رب اغفره. اللي جاي يا رب سبته اللي انا فيه بعمله دلوقتي يا رب تقبل مني. تمسك الكتيب وتقرأ. يا جماعة وانت وانت بتطبخي تقري. يا جماعة ده لو واحد مننا له وجبة مجانية في فندق هيركب - [00:34:25](#)

عشان ياخذها. لا لا ما ينفعش نضيع الكلام ده ابدأ يعني انا والله العزيز ما بكمكم عن حاجة انا ما شفت اعصارها في حياتي. انا شفت اسر الدعاء في حياتي - [00:34:45](#)

والحج والعمرة اللي فاتوا بفضل الله كان ربنا فتح على صدري في الدعاء ليل بفضل الله. انا انا يا جماعة انا بكمكم عن الدعاء دايمًا لاني شفت اسر في دينتي - [00:34:55](#)

بكمكم عن الدعوة الى الله دايمًا ونفسي تدعوا الى الله لاني شفت اسرارها في دينتي. كل عمل بكمكم عنه شفت اسره في دينتي. عشان كده ممكن واحد يقول هو هو سخن ليه؟ هو بيتكلم بسخونية كده ليه - [00:35:05](#)

يعني انا مشيت في شارع وانا لسة بخطي فيه لقيت مليون جنيه. مليون جنيه! هارجع هاقول لك آآ في النص كده على فكرة ده انا لقيت مليون جنيه. ولا هارجع - [00:35:15](#)

وانا مبهور ومشقوق! الحق! ده انا لقيت مليون جنيه في اول خطوة في الطريق! يبقى الطريق ده كله كنوز! تعال نمشي من الشارع ده! انا جاي اقول لكم كده! انا لقيت ملايين! والله - [00:35:25](#)

الواحد ببشوف ايات. يا جماعة قوموا يا جماعة اجتهدوا يا جماعة. انشطوا يا جماعة. انشطوا في الدعوة الى الله. انشطوا في القرآن. انشطوا في صنع الخير. هو رمضان ثلاث كلمات - [00:35:35](#)

دعوة قرآن صنع خير. هو ده الثلاث كلمات بتوع رمضان. وهم ده ملخص الجدول ده. اجتهدوا يا جماعة. انتم ماشيين في طريق سليمان نال فيه الملك وايوب شوفي من مرض ما لوش شفاء عند الاطباء. ماشيين في طريق الصحابة بقوا قادة حكام امم ودول. ماشيين في في طريق الصالحين رفعوا على منابر - [00:35:45](#)

النور في ظل عرش الله يوم الفزع الاكبر فيه. انتم ماشيين في طريق سيدنا ابراهيم صب عليه الرزق صبا فيه. قوموا بيعوا حياتكم لله. خلوا كل لحزة في حياتك قوموا ما تنامش. هو اللي قام زي اللي ما قامش. هو اللي هيقوم الليل الاسبوع اللي قبل رمضان زي اللي

ما قامش. هو اللي هيدعو لله زي اللي ما دعاش. هو اللي هيكفل اسر فقيرة زي اللي ما كفالشي. هو - 00:36:05

اللي هيختم قرآن كتير زي اللي ما ختمش قوموا واجتهدوا. من تقرب الي شبرا تقربت منه ذراعا. طب ومن تقرب الي ذراعا؟ تقربت منه باعا. طب واللاتاني امشي اتيتوه هرولة يعني ايه؟ كل واحد منكم له معاملة - 00:36:25

كل واحد منكم هيتعامل على قد ما قدم. على قد ما عمل. على قد ما قدمت لله على قد ما هتتعامل. ما تناموش. رمضان ما فيش فيه ساعة للنوم. رمضان ما فيش فيه ساعة للغفلة - 00:36:40

امضى شهر عمرك ده مشروع حياتك. ده نور طريقك. ده فرصتك لاقامة علاقة ولاية مع الله. رمضان ده ما فيش فيه نوم ولا غفلة. رمضان ده الموسم يا تجار الاخرة يا طلاب الفردوس الاعلى. يبقى ازا الربع ساعة الدعاء دي اوعى تضيعها. ادع لدينك ولدنيك ولاخرتك. هات كتيب دعاء واقعد ادعي منه. وانت بتدعي - 00:36:50

في المطبخ. ادن المغرب. اوعى المغرب يادن عليك وانت في الشارع. يادن عليك وانت في المسجد. الله! طب وقف بس لقمتين في البيت. اوعى! هتلتحق المغرب في الثالثة. انت ابقى في المسجد عشان تفوز بالسواب اللي احنا قلناه في العصر بقى. تكبيرة الاحرام والصف الاول والجماعة والسنة القبلية والازكار والاذان - 00:37:10

اللي ما بين الاذان والاقامة تروح المسجد كده يا حبيب قلبي وانت رايح كده ومعك شوية تمر في ايديك تدي الله تمرتين وهاتوا تمر غالي عشان الناس فعلا تفطر عليه هاتوا تمر - 00:37:30

شوية نضيفه خليك تجار اخر ازكية بقى. واحد هيقول لي طب انا انا يعني نزلت طبق تمر للمسجد عشان الناس تفطر عليه. بس ما حدش عبرني. الناس راحوا جابوا وخدوا - 00:37:40

التمر الثاني وما حدش اكل منه. يا جماعة انا هاقول لكم يعني اصل هو رمضان رمضان ده يعني يعني رمضان ده عايز واحد ييفكر صح شوية يعني كان عندنا في المسجد اللي جنبنا واحد بنى الناس بتجيب تمر فبدأ يجيب تمر يجيب لوز. اللوزة يكسرها ثلاث تحت ويحط جوة كل تمراية تلت لزاق - 00:37:50

فبقى الناس تدريجيا سابوا كل التمر وبدأوا ياكلوا التمرة بالوزدوق. فالراجل كسب. واحد تاني كان بينزل كوبايات عصير. كان المسجد بيصلي فيه مسلا خمسة ده اللي بيصلي فيه مية وخمسين. سبحان الله! رغم انه في منطقة غنية جدا. انما الناس كوباية العسل عصا البطة فوق ونزل يشرب كوباية عصير. فخليك زكي. خليك زكي. فيه اخوات - 00:38:11

اخوة واخوات يجيبوا كياس تمر بس غالية شوية ويديها لواحد يقول له بالله عليك لا تفطر عليها طول الشهر. يبقى ازا اول حاجة في تفطير الصائمين ممكن تعملها ايه؟ اللي هي - 00:38:31

تمر في المسجد تحطه بس حط فيه حطة لوز كده. يعني على مدى الشهر كله اتنين كيلو رز ولا حاجة. يا بلاش والله. او تدي اكياس تمر لصحابك وتعاهدهم قدام ربنا انهم يفطروا على - 00:38:41

كل يوم. دي اول حاجة. الحاجة الثانية لتفطير الصائمين. انا بقول لكم افكار مهمة جدا. خدوا بالكم. الحاجة الثانية انا كنت رايح المسجد تدي تمر لده وتمر لده وتمرتين لده وتلات تمرات لده. يبقى - 00:38:51

انت بتفكر الناس في الشارع اللي لسة مستنيين المواصلات. الحاجة الثالثة انك انت تشوف اسرة فقيرة وتطعمها وتجيب لها كيس اكل كبير في اول رمضان وفي نص رمضان. يا افتكروا الفقير في رمضان يا جماعة. لما حلت اللحمة المحضرة كده تتحط قدامك قبل الفطار نفسك فيها؟ فيه ناس مش لاقية حطة منها. افتكروا اليتيم في رمضان يا جماعة. اللي ما لوش اب يجري - 00:39:01

بيجيب له اكل وما لوش ام تطبخ له. افتكروا المسلمين المشردين في بقاع العالم. دي بينصروها عشان يعلموا ابنها. وده بيعرضوا عليه التنصير عشان يأكلوه. وده عشان مش لاقى كسوة عشان يكسوه. افتكروا المحتاجين يا جماعة. افتكروا المحتاجين. ده انتم مسلمين. ده انتم عباد لله. ده انتم عبید للی - 00:39:21

يطلع لكم القرآن اية اية وسورة وسورة بيقول لكم افعلوا الخير للناس. افتكروا الفقرا واليتامى والمعوزين في رمضان. ان شاء الله حتى تروح لجمعية خيرية موثوق فيها وتديها مبالغ عشان الكفالة بتاعة التفطير - 00:39:41

النوع الرابع من آآ تفطير الصائمين في رمضان انك تعزم قرايبك. قرايبك قرايبك واصحابك على الفطار عندك في البيت. النوع الخامس كان فيه شباب والله شوفوا الناس بترغب في في السواب لدرجة ايه؟ يبجوا بعد العصر يتقابلوا في المسجد. يكون واحد جايب - [00:39:54](#)

عيش واحد جاب اه جبن وواحد جاب عصير ويعمله بسرعة وجبات سريعة ويطلعوا على الطريق السريع قبل الفطار برقع ساعة او نص ساعة يوزعوا على الميكروباصات صفرا وجبات يا للاذكاء! اي والله! تخيلوا! اللي هي بقى ايه على المواقف وعلى الطرق السريعة وعلى ناس عايضة سواب! احنا عايزين سواب يا جماعة! ادي افكار اهي - [00:40:11](#)

يبقى انت هتروح المغرب هتصلي تمام التمام. اطلع بقى بعد المغرب افطر. خد بالك دايرة وفيها خط كده ممنوع ممنوع الرز. ايه! استنى بس يا حبيبي. ممنوع المحشي ممنوع المكرونة. ممنوع العيش ممنوع الماية. ايه يا عم فيه ايه بس الله يهديك يا عم احنا احنا جبننا القناة غلط ولا ايه في ايه استنى يا حبيب قلبي. انا هاقول لك الوقتي اهو - [00:40:31](#)

احنا هناكل ما قل وزنه وعظمت قيمته الغزائية. يعني ايه؟ حتتين لحمه حلوين ولا وحشين؟ طبق سلطة كبير حلوين ولا وحشين كوابية عصير محترمة ها حلوة ولا وحشة حنة كنافه يا عم حنة حلويات حلوة ولا وحشة؟ حاجة هتديك طاقة لغاية ثاني يوم. لو انت حتى ما فطرتش بعد كده - [00:40:56](#)

هتفطر انما بقى اللي فطر على بطة وبلع بمحشي ودخل على الرز ابو مكسرات وبعد الاكل قام طبعاً بقى مش قادر بقى قام على الكنافه والجلاش والقطايف وقمر الدين وشمس الدين والرز باللبن والتمر باللبن والحلويات - [00:41:17](#)

راح التراويح اتنين مسنديه ما بين كل ركعتين يروح على الكولمان بتاع الجبل يخلص الكولمان. ده ده مش عايز تراويح ده ده عايز مستشفى يعمل له غسيل معدة يا جماعة. ما ينفعش - [00:41:33](#)

عاش يا جماعة. يبقى تفطر الفطار الخفيف ده وطلقة على الجامع. طلقة على الجامع. طب اتفرج شوية على التلفزيون اوعى. طب اريح هتريح مين يا حبيبي هو ده وقت تريح؟ يبقى - [00:41:43](#)

انطلق على الجامع هتنتقل على طول هتنتقل على الجامع. النص ساعة اللي قبل العشاء والتلت ساعة اللي ما بين الاذان والاقامة هتجيب فيهم جزء قرآن. جزء قرآن كامل - [00:41:53](#)

جزء قرآن ازاى جزء قرآن؟ يبقى الوقت اللي ميت داهو في رمضان هتختم فيه القرآن على مدى رمضان. يبقى فيه ختمة ماشي فيها بعد العصر. وختمة ماشي فيها الوقت اهو - [00:42:03](#)

قبل قبل العشاء وختمة في التراويح لانك بتسمع التراويح وبالنهار ممكن لو قرئت الجزء ثاني او قرئت تفسير الاربع ختمات. يبقى انت ماشي في ختمات كتير بس هتخرج حياتك حاجة تانية - [00:42:13](#)

يا جماعة احنا بنخرج من رمضان كل سنة كل سنة المصحف نقوم عاينينه لغاية ما التراب يجي عليه نيجي رمضان اللي بعده نشيل التراب ما ينفعش ما ينفعش يا جماعة يا جماعة احنا لو قرينا المصحف - [00:42:23](#)

زي ما بنقرا مذكرات الدراسة هنبقى اولياء. ما ينفعش نقرا المصحف زي ما بنقرا ورا الجرايد. ما ينفعش نقرا السورة همنا ان احنا نجيب اخرها. ده رمضان شهر مدارس القرآن - [00:42:33](#)

مش قرايته بس فيدارسه القرآن. لازم نفهم كتاب ربنا. عشر صفحات اقراهم ولا صفحة عشر مرات؟ صفحة عشر مرات. القرآن مش كتاب اول حرف بعشر حسنات. القرآن كتاب طلع مصحف وسلم ان وصهيب. القرآن كتاب طلع البراء اللي اتقطع في سبيل الله. جعفر اللي اتقطع في سبيل - [00:42:43](#)

لا القرآن كتاب بيبي ابطال. النبي كان ممكن يقوم طول الليل باية واحدة. واحد صاحبي كان في اعتكاف مرة قال لي انا قرأت خمس اجزاء دلوقت. قلت له يا ابني اقرأ بس بالراحة وافهم. لأ - [00:43:03](#)

خرج بره في مشوار رجع بيولول وبيعيط في ايه يا ابني! الفتن انا ضيعت انا! قلت له يا ابني لو كان اية واحدة من الخمس اجزاء دخلت قلبك انا مش بقول لكم الكلام ده عشان تكسلوا. ده عشان تشدوا حيلكم. ده عشان تنطلقوا في رمضان. هتختم خاتمة آآ

هتجيب جزء الجزء الثاني اللي هيتقرا في التراويح ثاني مرة هتحضره اهو. قبل التراويح اقف في - 00:43:13

التراويح بقى يا سلام! اوعى تصلي في مسجد اقل من اللي بيصلي بجوزها. اوعى تصلي في مسجد اقل من اللي بيصلي الجزء.

هتصلي التراويح في مسجد من اللي بيصلي بجزء؟ طيب وبعدين - 00:43:31

طوابير الجنة بقى واقفة. تطلع من التراويح اوعى تسلم على حد. اوعى تبص يمين ولا شمال. انطلق على بيتك محمولك مقفول.

التراويح الواقفة اللي بعدها بتضيع رمضان يا جماعة تروح كل بقى مرميه الميه وكيلو لحمه وحلة آآ محشي زي ما انت عايز. ونام لك

ثلاث اربع ساعات من من حداثر مسلا لغاية الساعة اتنين بالليل. اصحى - 00:43:41

اتنين بالليل بقى التهجذ من قاف لآخر القرآن. ده تركيزك طول رمضان في التهجذ. كل يوم امسك سورة. امسك النهاردة قاف. بكرة

الزريات. بكرة السورة اللي بعدها. بكرة السورة اللي بعدها. عش - 00:44:01

ساعتين مع صورة. يا جماعة لما بيبكون فيه حاجة وسخة كده على الابد مش باكب الماية. ده انا بادعك في ايدي. انا عايزك تحك في

قلبك. انا عايز قلبك ده الاية تفضل - 00:44:13

تعرضوا عليه لغاية ما قلبك يشربها. المشكلة ان احنا دلوقتي يعني وصلنا لنهاية الحلقة فانا عايز يعني انا عايز دلوقتي يا جماعة ان انا

اجيب لكم بقى الجدول باسرع ما يكون. فالوقت - 00:44:23

انجو دهوت التهجذ هتصلي سورة كل يوم سورة. قاف بس عش والله العظيم هتيجي على اخر رمضان هتقول لأ ده انا في شوال

هعيد الفكرة دي ثاني كل يوم برضه بصورة واعرضها على قلبي. هيجي السحور افكر وانت بتشرب كل بق مية في السحور ان

عطش يوم من ايام الدنيا اللي انت بتستعد له ده هيجي - 00:44:33

ستين الف سنة عطش. هتعمل فيهم ايه؟ استعد لهم الوقتي. الناس اللي بتتسحر على بند شرقي وبند غربي. تيجي صلاة الفجر في

الجامع عشان تاخذ نفس السواب. تيجي جلسة الضحى اوعى - 00:44:53

اوعى تضيعها. اوعى تضيع جلسة الضحى هتقعد بقى انا عايز جلسة الضحى دي يا جماعة تبقى زكر. تقعد كده عيش مع كلمة الله

اشي مع كلمة الله تق ساعة كاملة سبحان الله! الحمد لله لا اله الا الله. الله - 00:45:03

اكبر انا عايز الساعة دي كلها تبقى مع الله مع الله مع الله. ساعة زكر يوميا قلبك قاعد يتعرض عليه كلمة الله. الله الله لغاية ما قلبك

ينصف تماما. بعد كده بعد جلسة ضحى تصلي اربع ركعات. عبدي لا تعجز ان تصلي لي اربع ركعات اول النهار. اكفك اخره. الله اكبر -

00:45:23

ومن الضحى للعصر بس الظهر ما تنساش انك انت تكون في المسجد قبل الاذان من الدوحة للعصر فترة مفتوحة. نام روح كليتك

روحي كليتك آآ روح شغلك آآ استريح لو انت محترف بقى يبقى من الظهر للعصر ده فترة التفسير مذاكرة التفسير تنام وتذاكر تفسير

الجزء - 00:45:43

رمضان المحترفين انك بالنهار تذاكر تفسير الجزء وتقراه وبالليل تقعد تصلي به. والله يا جماعة انا الكلام ده طبقته فترة في حياتي

وكان له اعزم الاسر. ونفسي انكم نفسي الاقل حاجة في الجدول اللي انا قلتها لكم دي اقل مستوى. اللي ما ينفعش ننزل عنه انك

تحضر الجزء التلاوة بتدبر وخشوع بالنهار وتصلي - 00:46:01

في مسجد بيصلي بجزء بالليل يبقى انت سمعت الجزء مرة بالنهار ومرة بالليل يبقى انت كده ان شاء الله ده ده الخط الاحمر اللي ما

فيش تراجع بعده والمستوى الاعلى بتاع المحترفين اللي هو بالنهار التفسير والتلاوة وبالليل - 00:46:21

التفسير ده اللي عايز يبقى داعية يطبق الفكرة دي. ويشوف ربنا يفتح عليه قد ايه. وبالليل التلاوة به يعني الى هنا وصلنا لآخر هذه

الحلقة يا جماعة. الجدول اهوت اللي احنا طبعناه آآ ونزلناه على الموقع موقع وي تو الله او الطريق الى الله. كلمة الطريق الى الله

بس. موقع الطريق الى الله نزلنا الورقة عليه. اللي عايز يعمل داوون له - 00:46:35

الورقة عشان يجيب الجدول يعلقه في اوضته طول رمضان. او يعمل داوون لون الورقة عشان يطبع الورقة جنبه عند اي مطبعة.

عشان يوزعها ويلزقها في المساجد ويكسب السواب الرهيب بتاع الصفقات اللي فيها ماشي يدخل على الموقع موقع الطريق الى الله

ويعمل داوولود. اللي عايز - 00:46:55

ان هو يعني يبقى فيه يعني يعني ناس طابعة جاهز بحيس ان يبقى الموضوع سهل عليه يكون طبعا آآ يعني يعني يكون الموضوع سهل عليه ممكن يتصل على رقم عشرة ستة وثمانين ثلاثات ستة وثمانين. صفر عشرة ستة وثمانين ثلاثات ستة وثمانين. على اساس ان هو ياخذ ايه؟ يعني كميات جاهزة من اه الموضوع ده لو عايز - 00:47:12

يطبعوا. آآ خلاص يا جماعة المخرج خلاص المخرج خلاص هيعمل فيها حاجة الوقتي. لان يبدو ان الواحد اتأخر عن الوقت بتاعه. ما اتأخرناش يا باشمهندس ما تاخذناش الساعة ستة ونص - 00:47:32

الله المستعان يا جماعة. خلاص نعاهد ربنا بقى. نعاهد ربنا ان رمضان ده هيبقى حاجة جديدة في حياتنا. نعاهد ربنا بعد ثلاثين يوم صيام. وثلاثين يوم تراويح. وثلاثين يوم تهجد - 00:47:43

ثلاثين يوم جاية ضحى وثلاثين يوم عبادة وكذا ختم القرآن واعتكاف عشر اواخر ودعوة الى الله دعوة لسة مقابل واحد صاحبي واحد صاحبي جاي من من السودان في خروج في سبيل - 00:47:53

اسلم على ايديه بيقول لي اول ما نزل بس سبعتاشر واحد. اسلموا على دي. اول ما نزل في اول طلعة. اجتهدوا بقى واشتغلوا في الدعوة الشباب على كلمة. الشباب على شريط. وزعوا - 00:48:03

اطفي الميكروباصات. خلاص يا جماعة الدعوة الى الله هنجيب اخرنا فيها. القرآن هنجيب اخرنا فيه. فعل الخير وصنائع المعروف هنجيب اخرنا فيه. يعني اسبيكم الوقتي بازن الله. ولعلنا بعد رمضان مع بعض بازن الله. واتمنى على الله سبحانه وتعالى ان احنا يعني ربنا يفتح علينا اعظم الفتح في رمضان. اللهم بلغنا رمضان واملأه بطاعتك ليلا - 00:48:13

نهاره قولوا امين. اللهم اجعل كل دقيقة فيه فتحة علينا في ديننا يا رب العالمين. اللهم املأ ليلنا ونهارنا بطاعتك ثم استعملنا ولا تستبدلنا. اللهم تولنا ولا تتولى عنا. اللهم افتح على قلوبنا في رمضان. وافتح على قلوبنا بالقرآن في رمضان. واهدي شباب -

00:48:33

من وفتيات المسلمين يا رب. اهدي شعب مصر والعالم الاسلامي كله يا رب. اجعل رمضان فتحي هداية على الامة جميعها يا رب. يا رب العالمين امين امين امين. اقول قولي هذا واستغفر الله لي ولكم. سبحانك اللهم وبحمدك. اشهد ان لا اله الا انت. استغفرك واتوب

اليك - 00:48:53

- 00:49:13